



東岳集
十

湖營錄
拾遺錄

卷十二

16
2432
10



和16
2432
12-10



東岳先生集卷之二十一



湖營錄

崇禎癸酉先生自燕京擢拜禮書
到善即上章辭免又拜藝文館提學

辭不獲免遂退歸河鄉再辭得滿
月拜公清道觀察使兼都巡察使
秩滿仍任乙亥四月罷歸自是
不復仕于內外詩錄亦止於此

崇禎七年春正月十八日乙巳除授公清

道監司二十日丁未葭沔浦宿崇學寺翌

日渡大津舟中口占是夕次水原設倉

抱瘵明時乞退休分甘衰齒寄山丘
麟符忽昇承宣重鳳綉偏蒙簡拔優
敢向禁城遲策馬故臨官渡急登舟
只緣方面終非稱黃髮翻增愧

白鷗

二月十三日庚午詣闕拜辭乃於延熙門
內命中使饋酒賜以臘藥五種胡椒五
升仍造承政院祗捧教諭書行出都門
而作

湖西官道接鄉園御陌東風麗旭暄青瑣闥前
承法醞紫微垣內降綸言蘋蘩只要供先隴樗
櫟何堪守大藩擁節出城人共羨寸心終懼負
鴻恩

二月十六日癸酉曉發陽城午到稷山題

東軒壁上

夙駕陽城到稷山春風鼓吹動塵闈東南西路
川原外五十三州簿牒間墨綬幾紆龜鈕過星
輶初建虎牙還九重龍命今何報童頂全無一
髮斑余於萬曆庚戌春以潭陽府使來過是縣
翌年辛亥冬又以錦山郡守來過故茅三

奉簡兵曹尹叅判毅止中

抱館炎天醉拍肩水城分手柳如烟幾經失馬
俱無恙重荷交龜定有綠鷓鴣班叨先一級龍
羊齒幸少三年只慙到處紅粧笑前後彤幃雪

滿顛

天安館用板上九朝浙東人季明叔詩韻
晉室蒼生起謝安孔門童子羞齊桓杜陵布衣
比稷契武舞舜階空執干玉字山前一秣馬玉
露二十三溥溥今來擁旄髮垂素拔劍大叫春
天寒

德坪金察訪晬家草堂用壁韻

一條溪柳似多情依舊東風穀雨晴玉節翻添
蓼莪慟湖州二十五清明萬曆庚戌春曾奉太
夫人之任潭陽午懋

二月十九日丙子入公州

平明四牡啓郵程百隊鴉軍出郭迎江以錦名
園勝地山如公字鎮雄城唐家置府留都督廉
代開營屬控兵黎庶擁街爭手額預愁無術蒼
恩榮

題戒元上人詩軸再用舊韻

家無癸丑累官又丙辰街老馬東西踞春禽二
十响鬢疎霜映帽顏厚汗霑衫錦峽詩成約身
猶背佛巖

余於萬曆癸丑夏在錦山郡舍師自揚

東山集卷之二十一
三
州山寺來求余詩甚懇遂贈以五言近
體一首因與之相約終老山水間久矣
丙辰春余拜本道方伯被劾即遁今幸
再除始得到公山師袖余舊題來示輒
用其韻以自志之自癸丑迄今崇禎甲
戌二十有二春佛巖山在揚州與余家
海村別墅相對故篇內云

德山東軒用壁韻

沔陽鄉里接伊山父老填街拭目看
征旆暫停
春雨濕杏花消息破憂端

二月二十一日戊寅次沔川郡題東軒壁
上

自從蓮祖卜牛岡五世宗人守一疆
白首投簪
方避俗青春於鉞還鄉田翁擁路瞻
雙節地
主迎郊拜十行榮動松楸同畫錦
駑才翻懼負
龍光

唐津東軒用板上韻

暫過唐津路曾逢甲午年城多新毀
堞店少舊
炊烟黯吏徒趨令窮氓詎籲天征徭
今又重不
忍見騷然

瑞山東軒用板上韻

赤霞蒸日野桃開川漲官譙綠勝苔澤國賓鴻
催北去春城傳馬任西來百年病臂遭三折一
夜愁腸閱九回倦倚郡樓驚旅夢晚衙鼉鼓敲
晴雷

泰安東軒用板上韻

荒山一面海三邊斗大孤城戴尺天島外蜚氓
舟作室鹵中鹽戶井生烟漢圻背指平原斷遼
岸前臨巨浸連去歲乘槎犯牛宿老懷於此更
超然

海養兵管用板上四佳徐相國韻

湖右雄藩上將營擬金伐鼓啓重城虹霓拂野
千旗影霹靂轟山爲弩聲陰合陽開春日麗天
旋地轉海波清老身許國心肝壯斧鉞終期答
聖情

題洪州東軒

洪陽大府鎮湖濱士女爭迎擁似雲阡陌間閭
四十里鉅鍛組練二千軍彤幟皂蓋新方白白
髮蒼顏舊使君忽憶板輿扶侍日東風吹淚迸
西曛

三月三日洪州公館奉贈吏曹具正郎

景輝兼示參議姪汝固

旄節初迴滄海濱
洪都古郭柳絲新
春天三月又三日
吏部一時唯一人
白玉珂催金闕路
紫霞杯徹錦袍身
歸逢小阮問行李
短髮蕭蕭霜映巾

禮山東軒用板上曹梅溪韻

旌夢驚迴夜未殘
滿山風雨縣齋寒
幽居已隔春湖水
萬竹叢中一筵盤

題溫陽東軒

增對案頌

奉簡丁兵使好士推

甲戌春如甲子春
築城人似雉城人
壯元節度才名舊
宗伯巡宣籠渥新
十載外沉互車笠
一身南北動參辰
明朝握手頌同醉
莫向清時學楚臣

題忠原東軒

五十官城第一州
東南大道控咽喉
岳分鳥嶺連天起
川合龍淵入漢流
黍稷盈疇原隰迥
牛羊布野屋廬稠
笙歌幾闋輪蹄過
駐節春風獨

倚樓

水曹曾醉此秋風三十三年一餉中
柳驛舊條烟惹綠桃舒新萼露凝紅
城隍院驛入居盛岳瀆郊垌地理雄
行擁節旄身再到鬢毛如雪愧成翁

三月二十二日戊申朝叢忠原夕次堤川

戲題東軒壁上

自忠至堤山有二大嶺

路人皆厭陟霄崢獨喜驅車似砥平
鄒衍獄中天日遠張騫槎上海濤
驚壯心不解憂時樂殘命曾從死地
生六十四年供一笑晚投堤館聽

行逐東風到海濱南轉轉野屬班春
郊原雨露鶉聲促里落烟沉柳色均
吏畏按治先股粟民愁供給共眉顰
腐儒自顧無佳故羞見陽和觸處新

題才川東軒

木岳初開郡琅城後屬州清時遭亂日
故辭作荒丘土沃民仍贍官閑境轉幽
行春無牒訴獨坐聽林鳩

鎮川東軒用板上韻乃李三灘韻

羈思常如酒未醒忽移賓館似虛亭
日晴樹影

連高拱風暖花香滿曲檀雪鬢不堪慙露冕星
輅誰解戀雲扃一詢鄉俗翻驚骨遺臭千年說
義寧輿地勝覽云高廉元宗朝以林衍之鄉
陞本縣為義寧郡及衍誅還降為縣
侵晨吏牘動盈前法令如毛要解絃旂旆影翻
山市外鼓鼙聲震海城邊野花夾路飛紅雨官
柳叢村鎖綠烟扶病此來休目笑未堪虛老中
興年右安公深韻

題陰城東軒

壬辰并邑久戊午設官新縣吏纔三戶鄉儒未
十人土花生弊解山雀集空園布惠全無術徒

新鷲

永春東軒次板上韻

朝發堤川暮永春縣庭無訟吏民淳一盤坐嚼

山蔬軟分與三神洞裏人詩僧希安自蒲方丈
山人方丈乃智異山

一縣桃花萬樹春峒氓居處土風淳扁舟棹入

清溪口更喜沙禽不避人

絕峽山蟠地危灘浪拍空谷分三朶北川接五
臺東世界雲峯隔仙源石瀨通浮生愧真隱歸

櫓雨聲中

東坡集卷之二十一
三月二十四日庚戌雨中發永春乘舟而行宿丹陽島潭翌日雨晴朝又上船泐流而下夕次清風黃江驛

昨日濛濛洒噴雨今朝杲杲照晴曦一區雲樹四郡路萬壑烟花三月時莓苔石磴馬行駛揚柳沙汀舟轉遲試看天開地闢後誰提健筆此題詩

題島潭洪掌令彙景澤小築景澤時為平

山縣監

我過丹陽潭上春忽思黃海路傍人草堂如斗

高
清
畫
一
岸
開
花
萬
朵
新

花灘舟中

峽坼艫頭轉江盤舵尾迴有汀皆白石無岸不蒼苔谷鳥迎人語巖花背日開蘊真亭在目身過降仙臺

過清風寒碧樓下

月出丹陽浦風回寒碧樓何堪此持節不得更維舟世務驅人急民居卜地幽江花與江鳥空起古今愁

清風黃江驛奉寄刑曹洪判書寶汝時

阻風華島泊船時共對殘花鬢似絲今日春空
却回眼黃江孤驛白雲司

槐山道中奉簡洪右尹雲澤芳兼示洪說
書柱

關帝廟前京兆酒銀臺門下說書詩湖州到處
北回首雨霽東風花發時

題槐山縣館

縣閣無人詠真如待老夫春濃花未落晝靜鳥
相呼洞壑非塵世烟嵐似畫圖青山歸路晚坐
捫白髭鬚

題清安縣館

縣居如野店寥落樹林間日暖新黃鳥天晴舊
碧山若教官故美那致邑風頑坐見人烟少遺
氓愁苦顏

題清州東軒

湖西一道四都會清在中央州最雄朱崖嶺擘
九峯起赤峴川吞三泝通城池已變亂離日邑
里猶存豪俠風白頭衣節獨懷古繞郭桃花春
白紅

清州館用壁韻

東坡集卷之二十一
戰藝天庭早策名白髯再憂國蘊丹誠演綸鑿掖
才何用勒石燕山計未成坐鎮北門叨拔擢行
臨南甸擬澄清試看宇宙人無數一節誰為百
代英

燕歧東軒用板上故四佳徐相國韻

樹圍龜岳峻沙壓燕川平驛路關心遠官樓入
眼明春從今日送客閱幾州迎少駐芳塘雨天
公亦有情

稷山道下用前韻寄酬參議姪汝固見問
之作

滯卧經冬寂寞濱絲綸遠布艷陽新性迺詎
合供時務年老真甘作野人白雪潼關城下路
黑風遼海浪中身竹林幾日重携酒一笑相看
兩角巾

一筇幽討遍崖濱峽郡春深萬壑新忽見宣傳
頒御札方知勅使出閣人捨舟策馬仍奔
命冒雨侵星敢顧身此日宦情休更問驛亭塵
出滿衣巾

三月二十三日己酉巡歷堤川投宿永
春庚戌乘船沿江而行方欲策杖幽尋

以窮山水之賞及至島潭之上猝遇宣
傳官祇愛有 旨太監 天使以冊封
世子奉 勅而來支待雜物分定列邑之
事急於星火且有進駐界上以便策應
之 命翌朝二十五日促棹順流而下
過丹陽清風兩郡不得入官舍直到黃
江驛出舟下陸徑由槐山清安等路日
夜兼程二十九日乙卯馳還公州四月
初四日仍抵稷山身為物役事與計左
汨汨無須吏之暇故後篇云

附元韻

李植

環召曾從楚澤濱使槎藩節逐年新陽春白
雪真遠俗貝錦南箕太枉人絕境詐無高卧
地危途那得自由身唯應早答 洪恩了直

如貂冠換葛巾

叔父以刺姦寬在連中搆捏故第云

春犁已擲峽溪濱汗竹纔休鬢雪新老境塵
勞非得所清時臺刃肯饒人謀生且飽支離
粟閉戶須收漫浪身蚤晚山陽同一醉竹林
深處岸烏巾

植時輟史局就開曾以

從姪植

公州道中奉簡李參議

漢明

天章李承旨

漢昭

道章

老身浮世本參差
誰向春風惜別離
每憶君家好兄弟
木蘭舟艤夕陽時
花落鳥啼春去時
旅程何處不相思
簿書積案身多病
三月還無一首詩

奉簡東陽尉

六月火雲迎曙館
一江春浪濟川亭
連年玉勒頻相送
恠底殘生似泛萍

奉簡永安尉

妙歲貂蟬秩上公
愛書還與布衣同
春風走馬

人爭覩解向江頭送
禿翁

寄謝漢江送行諸公

白首行人誰更憐
獨回青眼夕陽船
烏絲故寄一千幅
象管堪題三百篇

奉次開城鄭留守

斗源遭臺評後
述懷見寄

之韻

有生誰說了無生
吾道真如白日明
石室幾時連榻坐
共將心法細商評

奉簡全州尹德耀大尹

驛亭三月野梅香
前後書傳字百行
一世並生

東岳集卷之二十一
同甲子四年相望各參商公營按節身猶倦全
府分符務轉忙何日更成真率會坐聽鷓鴣鬢
添霜

安
四月初四日叢公州宿廣程倉翌日次天

壯懷投老恣消磨况耐奔忙抱積痾西躡海城
臨滸沆北馳山驛越嶺我暖風薦野花飛急晴
旭騰天鳥轉多過盡一春全止酒百憂撩客睡
成魔

奉酬清陰金都憲叔度用余韻見寄絕句

三首

遠聞都御史今又卧郊居百代留名重青編不
一書

牙旗湖左路竹屋沔陽居咫尺歸期阻經春困
簿書

白首長為客郵程阻野居忽看三絕句勝讀十
年書

疊用前韻奉寄清陰金都憲四首

聖朝稱直道窮谷占閑居竹几三間屋牙籤萬
卷書

東坡集卷之三十一

寵典慙虛授通班畏久居田園終老計所樂在

琴書

北闕辭朝請南鄉乞退居忽拋青筓笠又捧紫

泥書

節鉞新銜命湖山舊卜居王程正多事莫恠闕

音書

奉簡金清陰復用前韻三首

正色風雲會邀心水竹居平生五字句姑代一

封書

石崖宮北宅雲壑郭南居別恨何時了三年一

見書

驛路方祗後郊廛且索居小牋三百幅時報故

人書

奉酬李承旨道章用余韻見寄絕句二首

熊軒曾渡瀨川時認得州人去後思玉貌使君

心似水歸舟只載謫仙詩

鳳城風雨過花時尺素全稀費夢思莫笑錦江

牋幅小一枚堪寄一篇詩

題全義縣館

午投金地館林茂鳥聲喧邑號徒稱縣官居只

東坡集卷之三十一

十一

抵村年荒困廩匱壤徧賦徭繁坐閱盤餐費征
輶趁曉暎全義古跡金池池一作地

全義東軒有懷故宋明宰遠甫

萬曆庚戌春余赴潭陽曾過是縣君時
為邑宰乃余夫人之兄也荏苒二紀之
間君歿已久夫人亦逝白首一身今獨
來到愴然有感于懷故書以志之君諱
騁遠甫其字也時崇禎甲戌夏四月二
十有二日丁丑也

縣齋曾一宿二小五年前浮世存亡遽孤身籠

辱偏吏迎新使節春過舊賓筵日落雲林暝傷
心又杜鵑

再從姪檝自古阜來見余公州營舍於其
歸書以贈之

錦水鶯啼曉秦城鴈叫秋從容三日語契濶十
年愁鳥道關山馬鯨波渤海舟籜冠兼布褐終
羨卧林丘

遠驅羸馬逐行旂湖甸春殘乳燕飛一死生間
萬事改十炎涼後六親稀盛朝白叟吾金印曾
祖玄孫爾布衣才格出羣空老去坐慙無路奏

天麻

端午

夏日逢端午公堂過令辰艾香懸戶重蒲認泛
觴新簡牘逃無地旌幢踞此身天明齊上塚獨
坐愧州人

學暹上人自雞龍山至留宿公營書以示
之

汚廬攀栢日湖節憇棠年曩已形容改今纔性
命金星霜十荏萐瓶鉢一團圓坐話迷途事官
城落月懸

戲贈學暹瑞巖兩上人

暹生庚午
巖生壬申

一年居後一年先三甲俱過六十年鼎坐忽驚
身最老只應緇素勝貂蟬

左對暹公右對巖紅袈裟擁紫欄衽坐令解署
成僧舍賓主誰能辨聖凡

贈瑞巖上人

先生六十四寒炎師亦年今六十二甫駐童顏
我髮禿塵埃方愧左雲嵐

雞龍山人瑞巖長老書致川椒石筍等物
率題以謝

蒼山曰十里一札問黃堂
啓筍川椒辣登盤石
筍香翻令洗心胃
直勝飽膏粱坐荷慈悲力
明珠不足償

寄贈瑞巖上人用軸中疎菴任茂叔韻

慙余經世志羨汝出塵姿
駉駉超千里鷓鷯寄
一枝空歌紫芝曲未赴白蓮期
起望東林道西峯月落時

題營廳壁上

鼓角初休將吏叅蕭條公館似雲菴
樹陰晷日喧黃鳥山氣蒸空濕翠嵐
燕寢本嫌留妓宿烏

巾偏喜對僧談莫言老子無官况飯飽身閑午
夢酣

贈思胤上人

胤也浮屠者高標迥出塵能教竹換骨更與鶴
傳神心上天機妙毫端物像真殷勤如畫我萬
壑一綸巾

六月十五日己巳復到稷山

縣館身三到郵亭月五圓春寒顰碧柳夏晚褪
紅蓮坐感時光轉行慙使事牽居藩已無補忽
復憶歸田

六月二十五日己卯留稷山

六月蛇山館熊轡十日留朱暉射簷角黑霧壓
牆頭觸瘴翻如醉嬰痲久未瘳誰憐朝夕望隴
浦是菟裘

久留稷山夏日苦熱贈性默上人

徹夕那安寢淹旬每夙興炎曦赤可染毒霧黑
如凝宦况因衰減羈愁與病增南樓當此日徒
羨北山僧

稷山東軒雨中頗涼冷

公門屬多暇獨坐似山莊雨密梧桐響風微齒

藹香六街三伏熱一榻九秋涼即此忘身世淹
留任彼蒼

七月初一日稷山東軒作

七月今朝至乾坤又一秋池香水花散嶺瘴火
雲浮許國金銷口平戎雪蓋頭蒼茫江漢外獨
倚古官樓

天安郡館次徐評事然秀夫見贈韻

扶病南樓望北辰驛程風雨旅愁新赭衣田里
青雲士皂蓋藩垣白髮人萍水一逢咸館夜榆
烟三變漢宮春錦筵當日身猶健遮倒瓊觴不

問巡

天安郡館喜浩然沙彌從其師性默至
天安客舍起秋風夕雨漫空滴古桐忽逐瑞雲
然釋子却隨平澤默禪翁萬山水石三更後四
日茶芥一榻中湖左異時傳好事都巡察使隴
西公

天安館偶書

宿病經夏重新感到秋多階雨鳴梧葉池風擺
藕花本非賢傳說今已老廉頗報國心全了中
宵只憶家

書谿谷大學士所贈六言絕句來示索和
輒次其韻書諸卷末

越溪女天下白洛陽花壯元紅樂全子新豐老
絕代文章鉅公

西漢太史列傳南華光仙真經古館逢僧一笑
五更秋雨空庭

定山縣館用辟土韻

度嶺川原淨連村草木黃重雲靈曲巷急雨漲
方塘邑古從三國民淳自一鄉咨詢無箇事半
日睡虛堂

題青陽縣館

日晚蟬聲亂人晴柳影疎
入庭生碧草臨沼落
紅渠地瘠煩征賦民稀
減簿書行輶且少憇心
似卧林廬

德山縣館用板上韻

洪陽山接沔陽山八月看如二月看
南去北歸身易老不堪官事日多端

奉簡趙大諫仁甫時坐言事被黜門外

鍾城府伯徽垣長郭外秋風無恙無堪笑
湖西老巡察沔陽鄉郡飽尊鱸

寄贈學暹瑞巖兩禪師

鷲轉官堤柳蟬鳴驛店槐天時忽已改
王事自相催稷館旗三駐公城轄四迴
道人雲卧穩應笑困風埃

七月二十二日

春半桃花始滿林忽驚梧葉墮秋霖
駕才詐脫譏讒重朽質方纏疾病深
要返茅茨辭劇務却紆綸綍阻微心
卧治無術空縻廩獨向雲山愧夕禽

作痼疾

李植

昭代徵招盡士林濟時舟楫旱時霖愚忠自
阻消埃補朽質空慙雨露深老去行藏俱是
幻覺來憂樂竟何心白鷗滅沒江湖遠肯向
雕籠羨彩禽姓與叔父皆被無妄再從姪植

李監司立之挽詞名春元號九畹居士

情親一甲早隨肩六十如今又四年未俗共驚
偏皎潔中身常惜獨沉綿離言壽節分明記謝
牘函音次第傳賢世亦知無幾日秋風吹淚滴
湖堤情一作心

南漢山人道後以東陽尉樂全居士張判

題保寧水管永保亭

城上危樓跨太清仰捫星斗俯滄瀛汀洲島嶼
神仙窟舸艦旌旗節度營老病乘輶孺子笑秋
風按劔健兒驚鯨濤直指三山路八月孤槎入

帝京

永保亭奉次水使宋公英望暮雲韻

翠雲魚齒壓鰲頭白露垂珠濕碧油河伯蹴天
蓬島轉月娥噴霧桂宮浮水晶簾捲蘭臺夢金
屈危頌祀國憂十二曲闌吹玉笛小梅花落八
千秋

萬里晴空一鏡如綉
霓高拂玉皇居
露凝汀鶴聲相警
雲起潭龍氣自噓
雕鶚幟張秋省俗
鷓鴣求衣擁夜憑
虛遊仙却笑龜茲
枕坐對蟠桃結
子餘

結城東軒用板上雙梅堂韻

節鉞三朝後山河百濟前
秋聲暗作雨海氣晝如烟
日落潮初上雲生月半邊
古城今又過心愧鬢皤然

藍浦東軒用李陽城承韻

傍海潮聲壯連雲嶺勢雄
城隍成弊邑父老變

溽風地瘴嵐常黑秋寒葉易紅
百憂緣底事原隰一年中

庇仁縣

縣僻山三面城孤海一隅
疲氓今失業巨鎮昔防虞
露冷秋將晚烟昏日已晡
名公崇可愧惟憶季鷹鱸

題舒川東軒壁上副提學李公舜文伯時

為郡守

海堧行似始經兵四縣荒涼一廢城
到境忽驚民戶盛入門偏喜郡堂清
羣生苦樂年豐歎長

吏廡貪邑重輕講幄侍臣來飲水刈禾隨處開
歌聲

韓山郡

縣陞為郡夙聞名喬木連村有古城稼牧文章
垂軌範驚熊山水毓精英士林俎豆開祠廟鄉
里衣冠守墓塋秋日倚樓吟八詠一區風物起
遐情

林川郡

嘉本加林後彌川濟羅間并霰風烟州陞趙氏
鄉墟滅府革閩人國牒傳土利芋芽喧織戶浦

饒鍛蟹簇漁船清秋伏軾詢遺俗輔德忠名白
日懸

鴻山縣

內兄洪公希
立曾宰是縣

地下洪明宰墳麓是內兄小州經大亂高館出
新營百里謳謠盛三年賦役輕今來駐旌節秋
夕獨傷情

扶餘縣

夏日青龍寺秋風白馬江路經溫祚霸城對義
慈降萬事雙羈鬢千齡一古邦山河宛如昨獨
立愧麾幢

石城縣

野路通三縣人烟滿四疆澤聞魚蟹美膳見稻
梁香李叟慈孫里田郎孝子御邑風今反朴良
宰坐琴堂司勇田漢老以孝子孫問
忠義李德麟以順孫孫問

戲題石城東軒壁上

百頃平池冠一方藕花無數滿堂香古來不見
詩留壁天意分明待老郎

尼山縣

縣門臨大道賓館集行官應接隨炎冷誅求異
猛寬故知征稅重誰使吏民安到此心逾愧尊

鱸入素餐

連山縣

古縣松巒下溪流隔里閭地幽雲起檻天淨月
臨簷砌竹疎尤好庭梧密不嫌使軺淹至夕誰
會野情添

鎮岑縣

雞岳千峯峻龍川一派微賦經兵後重民自國
初稀撫字須宣澤鞭笞合弛威虛堂秋夜雨坐
恐宿心違堂一作齋

懷德縣

入邑無平地依林有弊廬誰云縣宰宅都似野
人居座冷堯首薄厨空飢餒踈夜聞官吏語明
日恐停車

沃川縣

聖代湖西郡前朝嶺左州山高知壤僻土沃見
民稠四境曾無訟三農且有秋行經凋弊地廣
屢坐消憂

永同東軒謹用板上五峯李相公韻

光臣垂死際熙辰山館重臨使節新棠府玉貂
辭 聖主月城金虎奉慈親向來涕淚那堪說

坐對雲霞定有因却憶去年朝 帝所片帆遼
海渺無津

黃澗縣

洞天中闢簇雲山樓壓長川曲作灣八月秋高
一夜宿更無羈夢到人間

青山縣

縣舍青山僻羈愁白髮新土硯多歎歲徭重少
遺民廩粟繞供夕庖羞必匱晨官程身已倦不
得駐征輪

報恩縣

出谷行平野乾坤舉目新川通湖石秀山接嶺
南隣誰道觀風日翻成避世人明朝俗離寺布
機去尋真

宿俗離山法住寺贈善敬上人

文巖臺前寺山高石迳微初來驚晚至未去愧
先歸步壑嵐生屐臨崖露濕衣晨鍾百八響六
十四年非

槐山縣

曾踏春山路花濃映夕暉一年人又到八月葉
初飛物役何時了身謀是處非薛蘿衣野叟應

笑此驂駢

清風郡

籍甚湖西數四州金剛山下漢江流清風昔揭
新羅國仙尉今修寒碧樓水部春卿兩八月銀
蟾玉兔後中秋天教老子成奇蹟此夜題詩又
上頭

樓因歲久頽圯殆盡人不得登眺者蓋
有年矣今郡守權君莅任不數月慨然
募游手乃改而新之梁棟之宏丹雘之
嚴無不倍蓰於舊一材一瓦費不及民

民皆頌其賢而服其才此宗一郡之一
大幸也故第四句云君名傲己字子顧
丹陽鳳棲亭謹用板上五峯李相公韻

八峽神初寂沿江骨亦清行愁霜葉老坐愛月
輪明萬壑皆嵐彩千崖只澗聲心知羽人在牙
壽縣愧浮生

發丹陽宿清風下忠原舟中即事

曾於三月二十四日庚戌朝發永春乘
船而行夕次丹陽島潭翌日辛亥朝船
下龜潭過清風夕到黃江驛上岸今以

閏八月十五日戊戌朝自黃江乘船泝
流而上午八清風翌日己亥朝由陸路
夕次丹陽翌日庚子朝乘船泝流而下
過龜潭夕次清風翌日辛丑朝船下黃
江夕到忠原龍洲上岸蓋丹陽清風兩
郡山水之勝春秋異態殆不可狀乃於
一年之中前後舟行得以窮覽天之餉
我者多故志之時崇禎七年歲在甲戌
閏八月哉生魄後二日也
一年重艤北津舟三月東風八月秋滿峽桃花

迷洞壑夾江楓葉映汀洲石門壁下沙堆雪玉
筍峯前浪激油此日湖西老巡察何如騎鶴上
揚州

戲荅靈光李明宰明叔秋日寄扇之書

敢怪秋天扇常憐臘月魚殘生托知己書信莫
教疎

行到忠原奉寄丁兵使士推

公務纏身計易違驛程何處暫停驂秋天日落
江潭遠空望青楓送白衣

奉次竹陰趙叅判怡叔見寄韻

日落寒風起城烏未定棲竹窩金闕北崇菱錦
江西路阻心常憶書傳手自題新篇述陳迹一
讀一懷悽

秋日高山路松筠鎖故棲徵君埋縣北詞子滯
關西對月盃曾把尋梅句共題何須聽隣笛駐
馬忽心悽

奉柬趙竹陰復用前韻

杜門君鬱鬱驅傳我棲棲目送雲歸北身隨日
向西月山拚勝集雞岳枉新題爛熳遊如夢離
懷倍慘悽

奉柬李靈光君時以考下罷官還京余方出巡內補君

已行過公山故不得相見

纔惜中年別俄驚下考歸世途從古險才格似君稀鏡府盃初舉咸關筆共揮那堪錦江路鴻燕巧相違

贈自隱上人

素髮滄湖外秋城落日沉
伶渠三寸舌慰我百年心
鶴洞雲霞迥龍淵宇宙深
名山如眼見不復愧朝簪

奉次金堤郡守鄭子容述懷見卞之韻寄

題披襟閣君於郡治後新構一屋子以披襟扁之六

見說披襟閣憑虛結構新
左符仍忤俗清節詎憂貧
井邑行連壤星霜坐隔春
郵筒五字句一洗渴心塵

醉贈刑曹南判書敵萬

陵寢三年哭風濤萬里行
相逢一盃酒木落錦江城

禮山東軒作

一歲烏山館熊旂此再過
杏花經雨少楓葉着

霜多身世如旋磨年光似擲梭那堪日夕望滄
澤阻烟波

新昌東軒用板上韻

一軒經始百年前丁酉兵塵獨巍然
留舊韻清衙聯板仰羣賢秋深驛路堆黃葉日
落郊墟起白烟隣郡布衣持玉節愧無殊績此
流傳萬曆丁酉秋倭賊之亂天安溫陽等郡館
宇廬舍盡為丘墟新昌一縣幸免兵火大
小公廨宛然如舊東軒壁上嘉靖以前
前百餘年內諸公詩板時尚在焉

平澤東軒作是日

四面皆荒野三間只破廬民貧多亂後樹老太

平初夜坐思蠲役晨興畏竭儲重陽今日是不
敢駐征旗

九月九日題牙山東軒

馬蹄東去又西迴玉露成霜節候催郵館厭聞
桐葉墜縣齋驚見菊花開身衰不復披詩卷肺
病那能舉酒盃京國昔年逢此日每携宗族共
登臺

天下登高日湖邊望遠時衆山連海近孤鴈度
雲遲去國身多病逢秋意易悲黃花似相待不
復泛金危

德山東軒用板上韻

一年三宿古鸞山
蟾魄翻驚九度看
老病客中常少睡
未容歸夢入南端

大興東軒用板上故觀察使安公琛韻

首路萊城此飲冰
戊申年似隔晨興
一庭老木秋聲亂
百里寒山夕景澄
茂宰綉楹勤重構
禿翁熊軾玷初憑
蓮軒公記猶懸壁
欲紹家風愧未能

縣監尹君有吉萬曆乙卯榜生負也莅任僅數月故平民安解舍傾頽靡不修

葺見思亭在於縣館東隅年久且圯亦改而新之役不以民其能官可知矣亭有高王父蓮軒先生記板至今釘于壁乃牧洪陽時為縣宰張侯漢公作也尹君請余為文以踵高王父遺躅辭以拙不敢塞求聊短述自識余於萬曆戊申春裝洪陽赴萊山路由是縣信宿以行故起聯云

奉柬金副提學煇晦汝李校理尚子文尹修撰鳴而遠李修撰楷子範謫居

甲子投荒與死隣建牙辛未 聖恩新北關此
日君休歎試問東翁寵辱身

奉東長洲尹參判靜春

九畹已冥漠八松難合并新知多異已老境少
同庚駱谷秋風晚熊津夜月明何時三雪鬢一
笑話離情

李立之神九畹
尹德耀神八松

延陵府院君挽詞

聖時清望動朝廷十八登瀛第一英鸚鵡文章
大學士麒麟形像老人星唐家陸贄傾深悃漢
代張良揭盛名蓮幕下僚湖外哭晚風吹夢逐

雲軒

天上奎星地醴泉麒麟鸞鷲玉藍田青丘毓秀
三千里紫府蜚英五百年走卒共知賢宰相士
林爭仰老神仙舟移夜壑龍歸洞竹帛功名日
月懸

艷陽東閣告南征誰料逢秋壽器成一品以勲
曾認屈八旬於德詎稱羸升堂早忝師生禮入
幕終同父子情錦水那堪滿襟淚榴花時節祝
錢鏗

李同知惟挽詞

東正集卷之二十一

三十三

明公八十五春秋二子當朝第一流鳩杖貂冠
榮耀盛銀臺玉署 寵恩優高門吉祿今無比
平地神仙固絕儔此日湖城向天哭通家誼重
阻山立

九月三十日

鳳凰山下錦江頭
纔送春歸又送秋
南奏丹心星北拱
西飛白日水東流
烟花繞郭真如夢
霜葉翻空捲是愁
年老不堪身誤計
晉朝安石漢留侯

奉東吏曹具正郎景輝用前韻君於夏月

新預湖堂之選

讀書堂壓漢江濱
簡出天官 賜暇新鮑謝奇

才元絕代陰何秀
句動驚人踏青湖
外逢君日 垂白樽前去
國身留滯周南誰
更念北歸甘戴華陽巾

奉次量田使滄浪李子章見贈韻

湖西按使本非才
褊性終為俗子猜
計策不成頭似雪
篇章無用謗如雷
敢言朽拚霑春澤
方見炎烟起死灰
三十三年三握手
滄浪居士未須哈

量田大使抱奇才鸞鳳翻遭燕雀猜巫峽銀燈
輝夜月錦城檀板響晴雷陰山我踏八千路春
管君飛五十灰榮辱極知俱有命鬢絲相對只
堪咍

小酌席上奉次李子章韻

湖路風霜節序闌老身嬰疾帽圍寬鎮鄒詎比
人情憺橘柚真如世味酸流水高山知我少陽
春白雪和君難樽前坐笑相逢晚千歲憂中一
日歡

至日口占

踟躕經秋滯瘡痍觸事生跡孤羣謗起身倦宿
痾嬰古館勞鄉夢殘年減空情今朝日南至北
望轉堪驚

冬至再用前韻

社燕歸時出鳳城錦江秋盡見陽生歲華過眼
天機轉身事違心世網嬰向闕共申朝慶禮閉
關偏動旅遊情烏蠻古驛翻回首嗚海羈魂入
夜驚

次成歡察訪李皞皞如韻

燕寢開樽坐接首愛君天性稟貞醇江水忽塞

公城曉社雨初收
稷縣春衰歲病懷
妨簿牒故山歸
夢戀松筠行臨郡
邑如相問按使元
同晉宋人

戲贈明照上人
兼示瑞巖長老
照乃巖之弟也
年今十六貌如
女子時隨其師
住在

雞籠山

骨清年少未生髭
眉目娟娟似女兒
誰憫熊津李觀察
却着雞岳照沙彌
耳聾眼暗民常罵
齒豁頭童吏共嗤
供世已知無用處
只須歸隱伴巖師

奉東鶴谷洪判書

北闕春生日南鄉
歲弊時朝廷誰記
憶原隰且驅馳故
拙讒譏重年衰疾
病危望京無限意
付與故人知

附次韻

巧愚寧較繫生並
幸斯時好爵從他
笑良工範我馳隋
珠元絕類蜀棧舊
乘危新覩溫綸降
方誇結主知鶴谷

次韻奉謝鄭評事
卿君平寄示北關
紀行述懷等作七
言近體三十首

詩什黃初賦子虛南山玄豹北冥魚一時妙譽
傳三篋七歲竒才閱五車鮑叔元知管敬仲廉
頗終謝蘭相如錦江此夜晴虹吐出塞新詞在
手書

雉城南面塞榆疎逐客曾依野叟居記室誰言
亦流落秋天相憶故踟躇滇波夕湧大荒外嶺

雪春堆太古餘坐誦清詩一長望七年重到駐

軺車

右答宿漁郎里地秀才家
見余詩在辟上有感之作

疊用前韻奉酬長洲尹叅判靜春

青雲三不遇白首四難并辟水年臨丙湖州歲

屬庚賢愚借少長黜陟互幽明托契知偏早終
當罄故情

甲戌十一月二十四日丙子作

時丙州郡

網常之獄先定推官嚴究將法不饒
其子上言構証先生即抗章乞免上卷
曰省卿上既具悉卿意仁範誣問之狀予
已洞燭卿宜安心勿為控辭因下諭仁範
即罪人之子也

坐糜公廩歲仍蹉五十三州寄一婆方悟出謀
皆齟齬却慙臨事只媿媿故厖故合招羣謗躬
瘁何堪抱積病瀝血乞歸 恩命闕夢魂空遠
奮松蘿

身古集卷之二十一
三十一
奉謝大宗伯洪鶴谷辱和見寄用前韻
貝錦流言日巖壙控疏時嚴威雖或弛妙譽未
曾馳心似虛於隕身同累卯危夷吾飽窮困賴
有叔牙知

公州營舍夜酌席上奉贈量田使李子章
今代知君邁古風上談堯舜下周公導民斗斛
權衡外輔世詩書禮樂中一席主賓均是客十
齡先後各成翁清宵強疾催深酌雪擁湖城我
欲窮

奉贈鷗洲李判官汝涵庚兄

一歲生中一月添俱經六十四涼炎鮑昭俊逸
纔通判阮籍猖狂又按廉白氎巾仍忝如髻黃
金帶却雪成髻相看拍手休怡悵角齒從知不
可兼

奉次李汝涵判官見贈之韻

郢客陽春和本難誰怜空谷舞幽蘭朝廷有道
吾三黜天地無情子一寒物態似翻雲覆雨詞
華如翥鳳翔鸞北風大雪江南路明月還應按
劍看

歲暮述懷

身集卷之二十一 二十八
明時不敢顧微躬力疾湖藩忝盡能花繞潁川
春正滿雪堆雞岳歲將窮了無惠政蘇民瘼只
有讒言蔽 聖聽心似墜淵歸日遠戟門中夜
坐書空

題文義縣東軒

月窟寒山秀茶亭古院荒邑貧經喪亂民朴賴
循良凍鱠江魚美春羹野菜香雪晴幽意愜征
幘逗斜陽

贈寶明上人

師姓韓清州人也乃開國功臣西原君

諱尚敬之後生于隆慶己巳少出家為
僧因居清州白足山寺

明老韓其姓居于上黨山薰風初握手朔雪重
開顏閱承家盛袈裟出俗閑如今六十六一
壑掩松關

除夜

金缸無燄綺筵空對郭重岡振朔風官路夏秋
冬忽過客堂年月日俱窮一身百疾呻吟裏萬
事三更轉輾中心憶弊廬翻起坐碧油幢負白
頭翁

乙亥元日

王河橋癸酉咸鏡道壬申誰料清州館今逢乙
亥春東西南微路六十五齡身畢竟成何事金
章愧吏民

乾坤病頗牧日月老班揚梅叢龍溪雨楓凋燕

岳霜君門萬里遠驛路一年忙鼓吹西原館元

朝意獨傷龍遊川在瑞山
燕飛山在丹陽

元日讌集席上戲題

孤槎去歲謁丹宸誰料青丘返此身霹靂掣空
石城夜鯨鯢蹴浪鐵山晨風高鼓角喧前路日

暖旄麾後塵置酒忽如莊叟夢琅城華館坐
迎春

元日奉寄量四使李子章

錦館陽生子琅城斗指寅一江南北路兩歲去
留身我本心灰冷君應鬢雪新幾時迴月岳梅
塢共探春洪州山在

乙亥四月十五日甲午見邸報作

正月十八日任滿當過二十六日自

上特命仍任四月十二日刑曹以各司貢
物未納守令決杖公事不即舉行入

啓請推盡奪告身萬曆丙辰正月十三日曾拜本道方伯十六日諫院論以時望未著且無才局前則除授纔數日未及肅謝而適後則過暮留三朔旋被重律而罷其否泰榮辱亦皆有數而然耶良可怪也

秩滿淹三月資收放一身方知乙亥夏不比丙辰春運命榮華悴官銜偽轉真從今養病瘳田野作遺民

四月二十一日庚子發公州還京城

百濟分遺壤三營擁大藩初看社燕舞重聽夏鶯喧厄運喪兼病清時譴是恩貂蟬今已奪畢命卧丘園

成歡驛館用壁詩上韻留贈李察訪皞如

十年郎署一鷄衣心似冰壺自古稀人好本知烏亦好驛亭松菊倍依依

二年持節褫朝衣榮辱相尋一代稀棠舍了無遺愛在愧君離思獨依依

四月二十四日癸卯漢江舟中口號

憶昔春鴻出禁闈錦江重見夏雲飛居藩滿歲

恩仍暇奉使遠程事却非官牒控輸嚴謹奪傳
車空載宿病歸老臣報國終何日回指湖城汗
透衣

東岳先生集卷之二十一 湖營錄終

東岳先生集卷之二十二

拾遺錄上先生登第後常仕外一行在京

僅二年其間或四五散佚不收至於未

勝時作則姑編次見存稿而詩則全錄可

於諸錄之未且擬從後收拾稱

章聖懿仁 王后挽詞二首以下庚子

積德潘南後坤儀配北庠游龍戒常切膠木化
方臻叶贊陰功大追崇顯號新群臣無限痛宸

筆證蒼昊證以中致言行傳曰此皆實錄

去歲東門外西遷返翟車誰知此郊路今日更

鈴歌孝敬徽音著艱危聖澤加攀彌共朝野曉
丁酉秋倭賊逼近畿縣還都

書 皇朝李提督 承詩帖 征公將 倭賊聞 母喪

不得請於我國詩歌其表誠孝及賊退時

歸仍製詩以贈名其

皇命專征遠高堂愛日昏天涯一片肉膝下百

年恩勲業將軍樹聲名孝子門遙知麟閣畫雙

美照乾坤

飛將家聲大元戎 帝命專牙旗辭北關玉帳

出東垣絕域仍王事慈闈政暮年寸膚寧自愛

曠暑已難延痛迫黃泉下誠深白刃前莫云遺
體毀須識孝心全任重三軍表名高百行先古
未慙虎士誰廢蓼莪篇扶植綱常正驅馳策略
宣發揮良史筆應與日星懸

次韻李尚書宅作

百歲能幾日一日才百刻日沒可秉燭日出燭
當滅朝亦醉兀然暮亦醉兀然浮生抵死長如
此莫問人間大小年

無乃前身是子規詩中字字但思歸歸來何處
歸心了萬里滄江一片磯

碧空如洗月如規秋盡江南一鴈歸薄宦絆人
鄉思苦夢中長訪舊漁磯

次權汝章病卧江都初秋見寄之韻

我正南歸君又病尊前一笑定何時新詩忽與
秋風至更望湖天有所思

附元韻

聞君萬里還家日值我三旬伏枕時惆悵未
因乘興去并闌桐葉墜相思

石洲

簡林同年懔子慎

樊屋南山下蕭然似野扉巷深車馬絕官簿簿

書稀小甕開新釀幽窓鎖夕霏此時林正字相
訪莫相違

金郊梁察訪躡子漸僑居夜酌以勝茶湯
分韻得湯字口占用記即席之語

聞君家在古龍鄉萬竹叢中一草堂蛟岳雨晴
雲似絮蓼溪春暖水如湯短檠燈火留僧話小
甕香醪待客嘗歲暮若為投版去共將身世老
耕桑

除日答金化縣宰具大受書

薄宦兼多病經冬卧樊廬誰知除歲日得見故

人書寂寞驚時序殷勤問起居此生衰已甚不敢報何如

除夕次梁子漸察訪韻

今夕是何夕悽悽心自哀
可堪殘臘盡不見故人來
病後慵看鏡愁邊怕舉杯
惟思漢水上歸去訪新梅
右有棟權汝章趙持世而作時兩君之湖南俱未還
今夕是何夕悽悽心自哀
一官催老大百計合歸來
照壁惟殘燭呼兒且數杯
五生調鼎志深覺負鹽梅

贈聖崙上人

爾歸長慶寺吾憶廣陵津
白水分三島青山接一隣
文園無起日楚澤又逢春
憑報梅花信賢公即故人

長慶寺在商山城北賢公即義賢上人也

閑味

閑中有味問誰諳非苦非甜
淡更深恰似清江秋月白
綠苔磯上睡鷗心

哭李司果族叔司果名琰字君道永使諱

從之孫於栗谷先生為存從於先君為三從芽天性夷坦開晴寡慾平生未嘗干人惟好飲酒簞瓢屢整常晏如也栗谷先生甚愛重之

不見只教日那知歸九原
淒涼身後事嗚咽病

中言五十豈為壽平生誰似君空將一杯酒痛
哭酌幽魂

金剛山天德寺僧釋珠持具大受書來請

題詩卷大受篇什多在其中率爾書贈仍

使還示以下辛丑

病起悄無事草堂春晝遲有僧此時至示我故

入詩鶴洞烟霞迥龍潭水石奇東還報仙尉終

不負幽期大受時宰金剛故與我約共遊金剛故云

用卷中韻贈釋珠上人

上人來自蓬萊山珠以為名貌如玉高齋拂榻

聽其語東望飄然竒興發一萬二千峯白雲一

百八十寺明月安得携筇共歸去尋真永與人

間別詩三句一作萬二千峯皆白雲八十九庵但明月

同權汝章題白石江亭主簿茅亭主簿名

同知用淳令公秩第卜居江上起一小亭春月置酒邀余輩飲因索題詩走筆書贈

偶到湖亭上憐君苦索詩潮回漁唱近沙遠鷺

飛遲野樹平江外春燈細雨時好懷無好語歸

去只心知右次汝章韻

草亭高壓石湖濱亂代閑居孰似君遠樹接天

雲影合暝沙鋪雪水光分過墻村酒深深酌隔

岸漁歌箇箇聞卜築願為隣舍老一江鷗鷺自成群

誰家亭子枕江濱湖海風流喜得君汀草遶沙雙浦盡島烟藏樹一村分清樽語笑如曾識浮世悲歡了不聞坐久忽看漁艇過夕陽飛起白鷗群

三月三日簡汝章無示趙持世林子慎兩君是日寒食

春陰漠漠雨如絲陌上垂楊乍展眉百五正當寒食日重三又是踏青時風光滿眼花猶早世

故關心髮欲衰急寫新詩報諸子佳辰難並合追隨

哭沔川李孝移使君

清秋一賦送行詩湖郡三年尺素稀忽報醉眠呼不起滿城風雨杏花飛

哭大受次汝章韻

天涯不見故人存秋雨燈前惱夢魂今日哭君尋舊句可憐春草滿丘原

壬辰秋避後亂開北堂夢大受時夜雨凄凄燈火明或有感於心作句以記汝章追念此事為詩見示余自和之

附原韻

親知零落已無存萬事人間只斷魂為問如
今風雨夜也能重夢具綾原

石洲

馮川孝移使君挽詞

西城燈火去年秋君赴黃堂我碧油別後剩傷
千里隔春來旋作九原遊詩傳古體家聲遠故
奏真清聖渥優莫恠看雲揮涕盡尊前無復舊
風流

具大受挽詞四首

積德門方盛君胡賦命偏大才頻下第多病未
中年官為高堂養家唯稚子傳平生知己淚洒

盡郭東阡

君沒我猶哭吾生誰復憐相看俱壯歲一別却
重泉惆悵龍蛇夢寂寥山水絃古來寧有是不
敢問蒼天

二十名高二百人

君庚寅榜進士等
三名時年二十二

士林方待

挂枝新芙蓉清水才超古鵬鶚秋天氣出塵龐
老舉家逃亂日賈生流涕上書辰一官彭澤催
長夜蒿里千年不復晨

春來曾拆一封書峽裏逢僧問索居新墨尚看
留篋笥故人誰料落丘墟百年事去雲俱盡千

首詩傳錦不如回望廣陵烟水濶白頭無復伴

樵漁君家別業在洛陽曾有鄰開居之約故及之

乘醉走筆送梁子漸察訪歸觀南原

長安百萬家出門何所之出門輒尋君君亦見
我展黃眉瓊壺瀉月啜新醞石硯呵冰題小詩
君今捨我去去去江南道江南幾千里夢入高
堂春欲老龍山之曲水雲間君嘗贊居龍山回首東風
跡如掃唐齋孝寂寂大受歿此生誰與開懷好
街頭沽酒送君行君雖不飲須盡倒可憐生別
與死別浮世百年殊草草

醉後走筆贈別林子慎著作之羅州

昨日哭唐禱孝今日哭綾城大朝送子漸去暮
送子慎行生別與死離百年能幾時逝者既已
矣存者空相思長安市上一盃酒正是江南春
草長暫時相看君莫散我亦西歸朝玉皇時余以進

賀使書狀官將赴燕京

監試覆試試院書示同席許金兩郎中

玉墀承命下雲間是南宮列宿班時許金兩君及余俱
以禮部郎中清曉廣序迎士入聖朝文運逐春
並為試官還十年重觀三年比復讞大比九年始九日才偷

一日開元祐遺風須繼躅却慙酬和句偏辱
奉次五峯李尚書垂問見招之韻

燕京萬里客初回綉句還從八座來自笑載膠
妨白晝南宮猶帶舊霜臺時赴北京新還例帶
臺衛未及臧下故云

附原韻

李好閔

聞君新自薊門回收拾風烟滿袖來我亦龍
灣朝暮去關西今有好樓臺時公以皇太
子冊封詔使迎

慰使將
抵義州

五峯

短歌行贈別清陰金叔度尚學士以高山
憲察訪赴任以下壬寅

問君何方來萬里耽羅島送君適何鄉鐵嶺磨
穿昊天南與地北一歲令人老子名甚籍籍子
行載草草海鶴立瑤階色映秋月皓玉佩富才
華蘭雪淨襟抱朝上金鑾殿士論推國寶夕作
置郵官奔走隨馬皂宿昔無此例朝故今顛倒
于身何汨汨子心何浩浩迢迢郭東路曉日出
杲杲林鳥為誰喧野花空自好我歌豈傷別所
傷斯世道往濟州今春始迴
閑居寫懷奉呈五峯大學士
賤子適呈告相公仍坐齋閑居不自樂寸步正

相乘積雨曉初霽南山夕更佳高軒尚無事一酌洗幽懷

送兵曹朴正郎燁叔夜以千秋使書狀官

赴燕京

西郊芳草夕陽遲正似年前別我時久客初歸還送爾暮途相識更知誰千秋置節新開慶萬里臨分自覺悲潯雨炎風慎行色東來須趁菊花期

送大同李綏綏之察訪

定襄傾蓋便戎歡奮興如今尚未闕誰識玉堂

揮翰手却為西塞督郵臨岐正覺別離苦擊劔更歌行路難此去驅馳且努力直勝海曲詠

幽蘭

前年冬始遇公於郭山故首句及之公伯氏執義時謫長連故未聯云

送公州李壽牧使赴任

聖朝多士捨名臣磊落如公復幾人孝義傳家高節操謹言驚俗凜風神共看鵬路推先輩自喜龍門托後塵今日湖州分袂遠夕陽無計駐朱輪

莫向離亭謾作愁浮生聚散劇悠悠誰憐北塞

新通判

吳技理允謙時新除鏡城判官

不及西京老督郵指大

諫世道即今非曩日使君何幸得雄州蒲鞭會
試安民略早晚能名達冕旒

送平安都事尹美中綱兄十韻

左海文明國西京佳麗州山聯箕子墓江動太
同樓麟馬今何在天孫昔此遊風炬如昨日興
廢幾千秋勝賞平生志王程十日留春城移綺
席別浦放蘭舟步月綾羅烏尋芳杜若洲送君
仍極目懷奮却搔頭往事都成夢窮居只益愁
茲行且懼讎人世水東流

題麻浦金冀進士亭子次壁韻

山形水勢縱復橫老子此間詩欲成十里野田
連浦遠一邊沙渚與天平已無塵事自心靜更
有濁醪還眼明倚遍闌干不歸去滿江烟雨暮
潮生

尹判官逸祖母南氏挽詞

少小曾依孟氏鄰忽承哀訃便沾巾年踰八十
非無壽眼看雲仍共幾人中歲莫論家運否後
生爭仰母儀純銘旌此日還先壠好續重泉未
了因

送靈熙上人還香山次軸上韻

送渠遙望白雲香山峯名歸我亦西行忝繡衣時以

起關西何處尋真同一宿上庵秋葉未全稀

飛流百尺浪翻銀六月松風冷逼人曠欲休官

尋淨界上方深處寄閑身

寄贈龍崗縣令李巨容沖之行

湖南病太守又作吳西行國法今逾重君材世

豈輕雪深關路澁州僻海雲平出餞違官事離

懷寫不成君昨歲曾伴我長以病棄歸日犯准

以舟師參試官方鎖試所闕為面餞詩以叙別

我自黃龍城下迴土風民俗識偏該地饒鹽鐵

官常卑人樂農桑境更恢錯節故應須利器聖

朝今豈薄賢才澄心到日如相憶莫惜魚書續

續裁余以按覈御史往關西新還澄心堂名在龍崗

舟師覆試試官契會圖

共承綸命拜天墀射院臨圍掌試師防海赴場

新勞典聚京掄藝重科規一旬風雪仍聯席百

歲心肝便去皮盛蹟分明輸繪事異時良會莫

參差

奉別江原道朴亮監司二首時公才適議伯旋按關東

傾朝屬望黑頭公文武材全寵渥隆一歲拜膺

方岳寄十連兼擁節幢雄去留國體分輕重夷
險臣心一始終歸盡雲臺知不遠中興勳業出
精忠公冊扈從勳將
來預會盟故云

松翁別曲世爭傳玉節東歸望若仙定見驅馳
無外事即知筋力未中年褰帷瀝國詢遺俗理
履蓬山到絕巔北地使君南省掾却憐分手渺

風烟

時余將赴端川公嘗為
禮部亞卿余適忝即署

送禮曹林佐郎子慎以從事官赴統制使

幕下翌日余亦赴端川以下癸卯

逢春去國故銷魂何況臨行却送君同榜為寮

偏托契分符佐幕竝離群關城驛路盤陰嶺海
陣牙旗拂瘴氛明日相思各千里一聲歸鴈不
堪聞

百年心跡兩相親分手離亭惜早春行到湖中
梅正發一枝須寄北征人

君為負外我即中水部南宮宦况同此別音書
何處寄春風吹盡北歸鴻

送洪輝世

鳳瑞之任星州二首
時余新自
還京

浮生聚散本無期何況人間萬事非去國二年
纔返旆作州千里便分歧知君已得留多日顧

我那堪會斲時草草離亭一盃酒秋風吹鬢白
如絲

普濟橋頭漢水濱今年秋色去年春一麾江海
仍南北三唱陽關互主賓家業箕裘推賈馬交
情膠漆托雷陳危途此日還堪慰賦得東征異
楚臣

送金冠玉璽赴全州判官四首

一代風流烈士家吾賢年少擅才華
戎冠合戴霜臺易彩筆須裁玉殿麻
西塞按商身久滯君年收稅官前往義州南州作吏路還賒
生同甲子髻童舊

惜別歧頭到日斜

明時相繼出為州可識吾齊史術優悉直海深

雲渺渺三陟舊號悉直尹伽耶山遠路悠悠尾

在伽耶平生托契唯三子高義如君第一流迢遞

江南還作別更堪搖落屬清秋

秋深江漢曉霜清雲外高飛鴈陣驚
匹馬新從

關路至故人多作塞州行朝聞書記辭天陞夕

送郎官佐海營今日甄誠君又遠白頭如客卧

秦京

全府吾東即沛中山河王氣鬱葱葱
政專人尹

官逾重全舊有兵管諸州鎮最雄盤錯從前須
利器忠賢有後見英風黃公自此能名著早晚
徵書出紫宮

題東谷新齋壁上 以下內午

京城東二十里路揚州而麓道峯有村
曰海等即古海等縣之治也燕山君北
馬我外家綾城具出燕山因瑩其側自
燕山墓迤北而西行三百二十步有一
隴背坤而面艮先王父又因我外家而
葬焉由王父墓南踰一隴有原向巽東

距燕山墓餘二百步寔我先府君之墓
也萬曆甲辰後九月之望余丁內憂廬
于墓下越三年丙午仲冬外除乃就王
父墓之北谷制叢於丘埳立屋三楹
以奉先世主行祀事其中一室以
為守丘墓禁芻牧箴愚養拙之所工既
告成書諸壁以志

孤負平生反哺心叫天無及痛纏襟先王有制
三年闋末路何憑百病侵且葺衡茅依墓隴要
防樵牧保家林微情在此甘投老異代甄君是

賞音

東谷新齋歲暮述懷

遙峯銜晚照急雪洒荒墟籬落松楸底形骸涕
淚餘更能供世事非但愛吾廬一病三冬卧霜
毛不滿梳

五峯相公宅即席次韻

已斷吾生老一村芟衣今日忝登門不辭剪燭
留連飲往事悽涼未敢論

還東谷新庄復用前韻述志書事奉呈五
峯相國六首

散材端合着荒村重葺先廬傍墓門香火歲時
期不廢此生蕭瑟更堪論

清時無用卧田村不是龐公隱鹿門憔悴東華
六年事似吾行止復誰論

松溪東曲李花村十里人烟對郭門懶性正堪
成半隱廟堂丘壑且休論

種瓜栽粟自成村田父相過夜打門聖代一廬
甘送老百年榮落不須論

緣溪一徑曲通村洞口雲深石作門剛喜林居
無箇事道經時對岳僧論

茅堂新卜郭東村萬壑松陰晝閉門聞說平泉
庄已就願將幽事與公論亭公於豐壤新特命賜

追次前韻寄謝清心金使君成枉過郊居

松壑寒雲藏小村朱轡衝雪過衙門高姿如鶴

閑相對除却林泉捨不論

黃驪江上水雲村隔浦鐘聲出寺門記得秋風

舟夜泊奮遊如夢不堪論壬寅仲秋田自

贈正行沙門

雪中逢衲子云自衆香來瓶貯毗盧月笠穿寂

滅苔雲嵐入笑語魂夢出風埃白馬峯前寺尋

真不擬回

十暑金剛寺三冬寶蓋山春風藥城路秋草鐵

門關在世身為累無家迹自閑飛筇又何處黃

海水雲間

題道清上人詩卷次五峯相國韻

爾是何人我自吾水雲蹤迹鶴同孤真擅一炷

松齋夜話到無生話知無

酷愛青山不負吾白雲深谷結廬孤蒲團終日

燒香坐萬有看來只一無

小齋中夜坐忘吾雪霽山空缺月孤樂地本非

名教外爾家能似這般無

送李先達顯重登第還端川

奕葉明經世所榮端州又是古邊庭還聞解甲
輸先業况見潛夫屬壯齡關路掛雲天共黑恩
袍欺雪柳爭青白頭奮守偏傷別落日城東望
北溟

次趙持世直長歲暮述懷見示之韻

客抱瑚璉器符彩煥且瑟日夕望停雲何由促
我膝丹鵲忽飛來逸韻賡白雪上嘆草屋空下
言甘短褐飢寒信外鑠造物敢虛唱擾擾狂馳

子聲利謾薰聒九十行帶索固窮樹高節城東
崖谷幽石泉清堪吸惹龍象木梢疊嶂頗秀藪
子能來卜隣茅棟吾已結殘生寄漁樵琴醞陶
永日古來縣簿下幾人死肉熟羨哉君子鄉至
今稱王烈

復用前韻贈持世

吾黨趙氏子久操齊門瑟長吟古梁甫日暮獨
抱膝由來越中犬狂走爭吠雪何恨握明月歲
晏尚被褐杜憤時內激霹靂摧叱喝誰將孤鳳
鳴一洗群蛙聒蕭曹昔未遇刀筆無奇節漁父

濯滄浪衆醉醺可吸從知千鈞弩不為鼯鼠菽
方圓苟齟齬智士舌亦結鯤鵬會變化九萬在
一日南鄰雀羅張北里炙手熱君見仲尼門羞
道夷吾烈

除夜

三十吾加六明朝又一春已怜頭白早更奈歲
華新身事艱難極村居寂寞濱青燈真耐久中
夜照孤呻

元日以下丁未

蕪國三六日孤村一兩家早朝遠振鷺先墓感

慈鴉門掩新堆雪盤空舊頌花春風無處着吹
却鬢添華

元日蕭條甚吾生患難多丘墳徧拜掃門巷少
經過不死真知苟餘齡豈顧他蝸廬今已就終
老故山阿

元日獨坐仁圓上人見訪詩以謝之

雲鎖寒林雪滿岡新正無客過幽庄晚來唯有
山僧至相對藜床睡一場
東溪道士住東郊師占東岡又結茅從此青鞋
好相訪洞門花發鳥聲咬

開拖筇竹下巖隈遠訪幽居踏雪來一笑相看
還別去松林無逕暝雲堆

山齋獨夜喜申淑秀才至

客有騎驢子黃昏來叩扉野雲林際黑溪路雪中從境以道情得身將塵事遣白頭同社計相對已忘機

奉謝月汀尹相國寄惠曆日

山斗三韓仰鉅公一時桃李品題中駕才獨恨龍門隔魚信還憑鳳曆通應念武陵無甲子故教燕谷識春風明珠青玉終難報南極星光繞

紫宮

附次韻

尹根壽

問訊城西托遠公音書忽到寂寥中纔經攀
栢心猶苦未待開槭意已通麗藻如今驚逸
響玉山何日對春風憑君報道論文地不是
江樓即梵宮

盛歲長途喜見公相逢氣旣笑談中詞追靈
鳥傳三昧帖學來禽寫幾通每憶珮聲趨北
闕漸看梅蘂映東風蒼苔尚記經行路擬訪
山前數畝宮

月汀

復用前韻奉謝月汀相公

命世文章太史公班張應在指麾中元功黃閣
三階逼雅望青雲一路通門館只如揚子宅壑
丘還有晉人風會容車馬尋苔逕盤谷慙非李
愿宮

開拋銅印慕陶公三逕新開一壑中遠岫送青
松靄合厓窓生白竹涼通踈慵本乏明時用棲
遁非關處士風咫尺京華歸夢斷烟花春遶未
央宮

正月十三日仲兄宅奉陪五峯李相公月

沙李尚書鶴谷洪學士讌席即事次尚書
韻要學士同賦

一代雙詞伯逢君便作三休辰
閑小酌清唱間高談浮世閑
難得殘生病豈堪要者聯
誇可勝蹟續城南

何處元宵好敬次朱文公和林用中用呂
子晉韻寄示石室金叔度鶴谷洪輝世兩
詞兄要共賦時丁未正月十五日

何處元宵好山齋淡似僧
茶香勝薄酒月皎當
華燈待鶴牕仍拓窺梅檻
獨憑夜深高枕卧無

睡更晨興

何處元宵好閑居谷口人雪峯寒逼骨苔徑淨
無塵霽月渾如畫新詩却有神此時懷教子迢
遞隔重闈

正月二十一日宿高陽香谷草堂夜起述

興書贈九友社居士韓別坐兄是夕大雪

夜分雪止天宇如掃月色甚佳兄乃余姊夫也屏居

田里棄絕人事等室種樹道途自樂

皚然白者雪皎然明者月清賞雪中夜高齋寒
徹骨即知造物意使我識公趣池邊一樽酒更

約梅花吐

次權汝章韻九友社兄草堂作

夜深山雪霽月上古梅枝松風更多事催我賦
新詩

題九友社兄草堂壁上四皓圖

白髮對商顏四皓添一皓千載此心同他時畫
五老

次韻題淨土寺僧天淡詩軸

白蓮山下叩禪扉月滿西樓雪霽時逢着歸僧
一回首老夫無興更尋詩

清陰金叔度鶴谷洪輝世兩學士聯轡見過

秘書飄泊水曹亡泉路湖天儘斷腸才子古來多
輒軻窮途獨立轉淒涼新篇且聽清陰誦臘釀
還憑鶴谷嘗茲事從今勤共續百年餘幾鬢俱
蒼湖五山嘗為校書館校理坐事見罷流寓西李實之歿於去冬曾為工曹正印
叔度生於隆慶四年庚午余以隆慶五年辛未生輝
世生於隆慶六年壬申三人之齒各差一年促膝
鼎坐殆亦一奇事也作為一律以記之

三人相對齒相聯我是中央子後先四海弟兄
那骨肉一年多少莫愚賢轉頭節序同流水屈指
朋親半古阡會約招尋趁身健性靈端復賴詩篇

附次韻

金尚憲

中年人事感存亡陳迹黃墟更熱腸詩社不堪
驚寂寞酒杯誰復酌荒涼河東毀譽君兼有塞北
艱難我備嘗窮達悲歡恣由命直須高卧任穹蒼
玉樹薰葭幸接聯騷壇酒席敢爭先流清德

水徵時泰龍起南陽紹世賢邂逅詩筒傳北
郭從容宵話記東阡閑居文字惟堪樂莫厭
相酬到百篇

叔度

窮鬼相隨不肯亡更須文字積枯腸都休外
事方知靜慣處陞鄉未覺涼野菜登盤猶足
飽春醪潑甕正堪嘗及時歡笑無容懶童叟
交游已老蒼

二子才華珙璧聯行年校我揔居先文名已
見傾當世學術方期繼昔賢石室蕭條依岳
麓郊扉迢遞對松阡尊前鼎坐真難數悵望

聊吟伐木篇

譚世

疊用聯字韻示清陰鶴谷二學士

頭角真如鴈序聯一年差退一年先投簪正合
成三隱對酒何妨少七賢白髮從來是公道青
山幾處有新阡相看且置人間事靜讀南華內
外篇

海峯洪樂夫元命學士見訪鶴谷繼至樂夫
以萬曆元年癸酉生吾三人年甲相差與
前詩所記無異而余為最長樂夫最少遂
用三人相對齒相聯句復成一篇書示樂

夫

三人相對齒相聯堪笑龍鍾酌最先坐上莫嫌
偏在下詩中方見妙無前願同鷓鴣行常逐爭
奈雲泥望却懸今日可期唯義分白頭母負鹿
鳴篇

附次韻

洪命元

誰向城南傑句聯退之東野實相先千秋好
事空垂後數子高才足繼前幸一二年牙齒
等奈三十里智愚懸汗流僵走知難及深義
猶存伐木篇

樂夫

輝世見余鬚有矐然白者憮然太息戲占
短律以自遣云

莫恠鬚初白偏嗟鬢已皤一身常汨沒萬事只
吟哦病較相如甚年方賈誼多榮沉誰復問端
合卧雲蘿

復用皤字答輝世

四十寬三歲還成一老皤向來經積患可但為
沉哦世味吾全薄窮愁子亦多幽期儻不負携
手返松蘿

二月二十四日車五山趙西巒權石洲洪

鷓谷見訪東谷新齋

郭外幽棲晝掩柴春風還與可人偕家貧頗愧
庖厨薄地僻偏憐洞壑佳憂患百年無此日追
隨一代自吾儕坐看窮谷光輝徧醉墨淋漓洒
斷崖

聯鑪十里訪茅齋淨掃松陰坐小階陰壑雪消
幽澗咽孤村日落暝烟霾靜看世事真難了老
覺心期未易諧話到夜分仍秉燭市酤猶足暢
吟懷

附次韻

不愧論文肯款柴相携喜與數君偕來經白
道朝烟淡坐久青山夕氣佳富貴勞辛輸俗
輩乾坤放浪屬吾儕隔峯知有晴川在步履
唯應下石崖

古磴松陰覆竹齋閒庭鳥跡印苔階出雲旭
日明林壑動地剛風破曉霾白雪陽春歌郢
曲大鵬乍鷁辯齊諧一尊談笑相忘久何況
從前曠士懷

五山

二月二十五日除授蕪宣傳官呈病不仕
一麾仍守制戀闕五年心積廢霑新命微班廁

禁林敢辭陳力就無那宿病侵閑戶山居僻春禽自好音

丁未三月初一日大雪戲呈五山鶴谷

青山一夜玉峻增肩聳寒齋几獨凭三月未應非瑞雪刻溪清興更堪乘

姨祖母黃氏挽詞

長水黃叅判之季女坡平尹府院君之外孫故左議政林相國之冢婦即我先慈氏之從母也

長溪一派入坡原毓秀閨闈淑德尊奇釁翻同

寡婦賦嘉姻雅稱相公門仁膺上壽慳先笑

祖母先妣尹夫人享年九十有奇慶行洪支屬外祖母氏壽止八十有二歲故云

昆祖母氏早寡無子有萱室承顏俱隔世可堪

揮血叫乾坤我先慈氏失先妣事從母如事先妣故篇末及之

寄送全羅道觀察使崔令公瑤二首

清川樓上謁荊州一瞥星霜七過秋滄淚向來

同患難雲泥相望異沉浮玉杯錦席餘春夢犀

節熊旂又別愁燕石儻能蒙記憶會看雙鯉及

林丘公嘗為安州牧使辛丑夏余以書狀官赴燕京始得見公於百祥樓其後公遣先大夫憂未幾余亦

遠聞方岳簡金閨雨露新恩煥紫泥玉節曉辭

青瑣闥柴扉春掩白雲溪花飛驛路清明過月

東坡先生集卷之三十一

上林亭杜宇啼不道觀風非重寄棠陰南望隔

挑蹊

公由承旨除方上命特加階嘉善

東谷書齋春日寫懷寄呈石室金叔度北

渚金冠玉

華陽洞北上林西悵望春天路欲迷萬戶晴烟
寒食過一溪明月子規啼沈侯多病身全瘦江
令傷離意易悽何日尋芳共携手辛夷花落滿
山蹊

送正行師還金剛山

丁未三月旬有二日行上入來自海西告

歸楓岳道心無住淨迹如雲令人東望飄然有出塵之心也率爾揮翰興在言外

滿面烟霞瘦鶴容孤雲飛去杳無蹤暫來碧洞
花前過仍憶黃冠雪裏逢行脚東西南北路歸

心一萬二千峯仙山在眼身多病日暮高齋獨

倚松

上人雪中頭戴竹皮笠子故以黃冠稱之

西走黃州雪滿山春風杖錫又東還禪心無着

身如寄千里隨緣一味閑

日午柴門鎖不開丫童驚報上人来拂衣東去

忙何事花滿蓬山錦作堆

寄石洲權處士

時寓江華

三月春寒重清明未見花山前昨夜雨水沒一

溪沙弄日禽交語綠堤草怒芽無因共物色迴
望海天餘

城東十里草萋萋一醉江頭夢已迷回首碧雲
人不見沁州迢遞夕陽西

次慧圓上人詩軸韻三月十四日遊于三

月庵慧圓淨屠來候道左為求
余一語遂次其軸上韻而贈之

步尋松磴曲苔磴坐忘還釋子此時到春山相
對閑岸花紅欲妬堤柳綠猶慳好懷描不得嵐
翠撲吟顏

物態春雲變天機夕鳥還會心身不倦忘世意

常開鵬鷗爭相羨乾坤未有慳行歌紫芝曲吾
道在商顏

寄送沈德顯毗之任扶安二首

奕世青城毓炳靈即君拔擢早明經龍駒汗血
生西極鵬翻搏風起北溟誰道翰林偏屈迹會
容王勃得趨庭德顯大人
時宰玉果遙知邑里爭相賀湖
路從前認福星君曾為海運判
官故未句及之

扁舟曾泛楮湖春十載存亡白髮新君具大受
之甥也大
受別業在於楮子
島曾與泛舟同遊揚令平生真鮑叔大受卒官
金化故以
揚炯何即今日是元賓其舅劉牢之茅齋郭北

幽棲地墨綬江南左宦身回首更吟思舊賦驛
程芳草遠愁人

三月十五日夜坐書懷寄示鶴谷共輝世

海峯洪樂夫樂夫即輝世之從姪也

節過重三月又圓滿堤烟草已芊綿春光瞥眼
無多日世事傷心異昔年子義故人高適老嗣
宗諸姪阮或賢樽前握手何由得伏枕青山聽
杜鵑

寄海運趙怡叔判官時如湖南

五載一見面別來還隔春吾生餘幾日末路少

相親驛騎梅花外漁竿漢水濱只應明月夜千
里共傷神

春日山齋獨坐無聊出步庭隅望見申秀

才汝善来自山逕喜以書示

三日不出戶杜鵑花滿枝岸幘立庭除凝情如

有思義人隔雲嶺邂逅本不期秀才家在村東

一嶺步屨林際來幽逕轉巖陁相望忽自訝相

見頗自竒寂寞塵外意非君誰得知涓涓澗水

響漠漠雲陰垂臨池一樽酒共惜負芳時

次申秀才韻題山齋壁上

東坡全集卷之三十一
水流花謝閉門中一室圖書四壁空卧看白雲
東嶺上晚來飛逐度溪風
十里平蕪一望中暖烟芳草碧連空幽居不覺
春光老樹樹黃梅落晚風

山齋留申秀才宿夜月極佳小立池上復
用前韻

幽泉新漲小池中倒浸天光玉鑑空松月滿山
吟立久隔林花氣一襟風
石門深鎖白雲中月轉松梢夕籟空蜀魄一聲
春夢斷刺桐花落滿簾風

山齋月夕口占示申秀才

十日卧山舍滿庭春草生洞深入不見月出子
規鳴

答趙正字善述書

睡起日亭午山深唯鳥啼此時趙正字書札問
幽棲

溪水綠如染山花相映紅東林好風景要與故
人同

老去身多病春來意轉慵散仙無別事一為訪
雲峯

謝仁圖頭陀餽山芥沉菜

憶曾分竹郡城居滿案臙輦厭海魚林下如今
真有味一缸春色老僧道

玉川高卧任家貧賴有隣僧乞米分珍重山蔬
煩老宿却教人道繼清芬

奴捕入城中賣薪得魚菜而還

懶拋朝笏卧郊扃踈糲真難護病形堪笑黃堂
舊太守一盤鮭菜賴樵青

山齋東庭新鑿方池池水清甚喜而有賦
鑿破堦前地清泉貯作池分明白雲影搖蕩碧

山姿的的星河夜濛濛烟雨時一軒幽致足費
我幾新詩

哭表姪李夢得秀才

內翰二十三秀才三十二二十三內翰三十二
貧士內翰有秀才貧士則無子內翰幼少時親
瘠割其指誠孝出天性仁義躬所履傑立生知
姿精通造化理總角聲輝赫弱冠取青紫清標
玉樹高洒落英風起秀才生絕竒父子乃相似
鳳雛時碧梧五色毛羽羨渥洼汗血駒霜蹄走
千里內翰命何短餘慶當在此不謂秀才窮今

又至於昔者秀才存內翰死非死秀才今也
亡內翰其已矣秀才先祖母而我伯姑氏內翰
實吾兄我生後一紀得與秀才游誓言同終始
嗚呼彼蒼天是誰之所使生若有所為死若有所
所忌天何為而疵壽何為而庇是父與是子泯
滅果何事我哭豈為私善人道終否一篇五字
詩篇終情未已一為內翰慟一為秀才誄

李夢得挽詞

生無兄弟歿無兒三十能詩一布衣寂寞翰林
身後事春風吹盡落花時秀才名龍夢得其
字也益安大君之八

代孫故戶曹佐即諱帝之曾孫司僕正諱彥怡
之孫藝文館奉教諱灤之子其正母李氏所我
長姑氏容齋公之女孫也生于乙亥以丙午季
冬旬一日歿翌年三月晦葬于奉教墓之後隴
果川縣治之東五里許
乃冠岳山之東趾也

次韻答海峯

紛紛人事夢檀羅日月跳丸瞥眼過百世是非
同地籟一心生滅有天魔從教宦達休須早况
耐身慵病更多飲水曲肱吾自樂古來由命不
由他

附原韻

門巷寥寥可雀羅了無問訊况經過年年不

洪命元

去唯窮鬼日日相尋是睡魔滿眼林花春漸
晚入簾山翠暮偏多休將冷落方廷尉榮辱
人間已任他

海峯

月沙相公湖亭即席奉次相公韻

東風吹盡幾時回今歲花如昔歲開安得人生
似春色年年一度去還來

亭在蚕頭之下是日送春

附原韻

李廷龜

江柳依依江岸回淺山臨渚小堂開幽棲地
僻經過少時有詩翁載酒來

月沙

月沙相公湖亭戲贈崔魯瞻縣郡守

六載一相見江頭花落時花落有時發浮生無
定期

五峯相國宅落梅聯句用劉潛夫韻

老我慙非鐵石腸好歲瓊萼不過墻三更參月
無多頃一夜琵琶已渡湘

峯老峯傾國更能迤絕艷

返魂誰為試神香陰風朔雪傷心句却憶荊州

紫綬張

東岳

復用前韻賦得落梅奉呈五峯相國

五峯相國宅庭有梅一株零落殆盡餘
花數片點綴枝頭公乃詠劉潛夫落梅

詩一首手寫示余仍用其韻先占二聯
屬余足成又授簡命賦遂依前韻成
近體二首其一寓意於公其一感傷自
遣也

坐惜瓊姿寫錦腸
忍看蝴蝶過隣牆
雪中皓首
心歸漢竹上
斑痕淚滴湘
飽耐水霜
瘦骨絕
羞挑杏闥幽香飄然却似成功去
青史從來數
老張

一田回首九田腸
玉立嫣然楚客墻
誰遣狂風
欺杜牧未容仙術學
韓湘孤芳可得多時艷
皓

質惟應抵死香
會着滿枝調鼎寶
心期還恐有
乖張

奉次五峯相公韻題善政師詩軸師之位
與公之壽藏近手新軸丐公詩公乃作近
體一首筆其首因屬余續和余未嘗識師
師之求又未嘗及余但公以師之所求於
公者求於余則師之意余亦得矣固不可
不以公待師者待之抑未知師之視余視
以何如人也姑以師之始所以求者而求
之則庶乎其不失余之為余也已呵呵

贊皇功業冠凌烟舟楫明時好濟川珠履忝隨
門下士緇衣分占洞中天從知死馬煤千里會
看神龍卧九淵早晚平泉休沐日共陪巾屨結
來緣
擅越三生一穗烟織烏西去逐奔川墨揚已見
俱非道顏跖誰知只在天紫陌曉鍾趨鳳闕黑
山秋雪撫龍淵回頭自笑迷途遠直欲探禪了
衆緣

山齋即事奉呈五峯月以兩相國兼東鶴
谷學士

谷口春殘後幽花照眼明
菴醪新報熟溪月且
逢晴城市多塵事
林園愜野情
高軒倘乘興聽
取子規聲

丁未四月上旬東溪夜酌聯句

步出荒林下晚洲東岳淺灘搖月席邊流沙月杜鵑
不管終宵哭谷鶴海谷仍知特地幽東岳坐久醉顏
臨水醒夜深眠鷺伴人留沙月翛然共占忘機樂
可得濠梁續勝遊谷鶴

只恨坐中無石洲東槎共是舊風流沙月梨花開
處月華滿蜀魄啼時山意幽東岳迢遞江城不可

致團圓村酒暫相留鶴論文未覺春宵盡况似
龍灣秉燭遊沙

奉次五峯月沙兩詞伯韻書貫壹師詩軸
一渠春碧貯方池倒蘸山頭月半規小閣對僧
清不深坐看花影鏡中移
洞門花落滿溪橋邂逅山人不待招自說禪龕
在西麓白雲流卜徑非遙
延陵佳句動驚人更見沙翁筆有神坐對野僧
披詠處萬山明月一庭春

奉呈九友社韓處上兄

常讀濂翁說最憐君子花殷勤九友叟使我思
無邪

右乞蓮

此君有清節一日何可無况乃北窓下棲遲幽
興孤

右乞竹

休官卧栗里人道似陶家九日東籬底不宜無
菊花

右乞菊

次韻奉答南窓老先生并寄端州乃子
雪齋相別換桃符夢想三春一字無忽喜騷翁
心尚杜驪珠蒲紙覓昆吾
次韻奉答南窓先生

雄圖要剖漢庭符，矍鑠如公絕代無。
白髮滿頭身七尺，手磨霜鏹望伊吾。

奉簡鳴臯子任寬甫

吾愛任公子，真如孟浩然。
新詩捲清絕，秀骨即神仙。
相憶青春過，應知白日眠。
東峯月漸滿，要與聽風泉。

次鳴臯子韻

少無諧俗韻，歲晏返園林。
石嶂攢霜劍，雲泉奏玉琴。
吾君勤枉駕，宿昔托知音。
高嘯長松下，儵然太古心。

避喧住東谷，幽事頗關情。
春晚樹隕密，日長禽語清。
觀魚澗邊坐，採藥雲中行。
孺子有遺曲，滄浪堪濯纓。

奉次五峯相公韻題熙俊上人詩卷

我本五峯門下遊，師亦住在公故丘。
酸鹹已知嗜好同，莫論儒釋非一流。
公之故丘在花谷，數椽齋剌松林幽。
新詩一篇寫素懷，繼而和者何其稠。
峩冠盡是青雲士，密通玉几陳鴻疇。
薄劣何幸辱公命，苟非同道誰相謀。
百千曠劫真一瞬，風火騰轉齊輕漚。
歸去來，山中人間不可留。

功成范蠡退身老司空休行當與師操履杖屨
榻共居東西頭空門詩友兩忝竊肯羨河南俱
拔尤

曾聞會稽支許遊我今喜識熙比丘比丘平生
愛文辭卷中珠玉皆名流持來示我索一言使
我興入桃花源幽花源之曲闕蘭若霜厓合杳瑤
草稠東歸直欲結茅宇谷口能借閑田疇散木
本非棟梁器冥鴻肯作梁稻謀銅爐燒栢製青
靄石鐺煮茗翻素漚攀援桂樹枝歲暮聊淹留
顧我非鮑昭無以酬湯休手採金英綴瓊佩只

期共老雲山頭坐觀白月當空虛懺盡去來今
愆尤

夢故宗簿寺李僉正實之

體素齋李君實之見抵於時零落湖西
丙午仲冬二十七日歿于清州之田舍
年四十有四明年春歸葬于維揚之先
隴以斯人而止於斯嗚呼命也余與李
君別六七年矣消息存亡隔絕南北歛
不得哭葬不得送有負幽明展哀無所
茲者夜宿東谷書室夢見李君執手論

東岳集卷之二十一
二十九
詩况若平昔出其卷中新什才豪氣雄
一馮千篇有非雕琢剽竊者所可彷彿
使人詠嘆嘖嘖不自已因忽驚寤夜將
四鼓月隱西峯萬籟俱寂但聞子規叫
號於雲樹中悄然有感書以為志時萬
曆丁未夏四月旬有二日也

水部郎中別七年更堪詩骨閉黃泉分明一枕
山齋夢月黑雲林哭杜鵑

用長溪黃相國韻送別三陟使君
真珠之府竹名樓此地宜看詩家流金鑿學士

許丁卯凡境不足回吟眸百年形勝爾為得萬
事風塵吾已休江山有助富新什寄與林廬成
卧遊

寄上長溪黃相國壽詞二首

幾箇男兒一聚塵公生方在後壬辰翰林鴻匠
非無繼麟閣殊勲亦有人萬死獨能全六尺一
心元只出三仁從來齒角難兼得輝映千秋社

稷臣

公嘉靖壬辰四月二十六日生

力轉危機死自任常情疑處見偏深誰知當日
君臣義要體吾王父子心青史所難持一節

赤忱何負保千金至今想得 天顏喜公有神
明護陸沉

四月廿六乃余初度李正郎子敏惠壽詞

二篇不勝感愧作此答之 黃廷成

詞壇牛耳誰操是丞相容齋世喚伊遺與詩
書有孫子罵訶祖佛見名師孤輪覺月千江
印萬柄蓮華一脉絲曲直不分人自開非君

洞徹孰能知

溪院白吾

山齋雨中次申秀才韻

林霽空濛作雨霏殘紅滿地綠初肥山家清景

無人會日暮松崖獨鶴歸

題志軒上人詩軸次月沙相公韻

南宮白髮奮郎官手種東軒竹數竿逢着老僧
相對睡午風吹送雨聲寒

首夏山齋雨後獨坐追步梁子漸見寄春
夜聽雨詩韻

松下幽齋鎖竹扉獨憑烏几影相依桃花一洞
留春住蜀魄千山勸客歸不恨青雲期已遠元
知白雪和全稀晚來晴景供吟興綠漲平川返
照微

謝申秀才汝善送生鯽令放新池
撥刺銅盆數寸強故人知我有新塘銀鱗繞放
搖輕浪翠鬣頻跳閃夕陽肯遣校人欺子產忽
如莊叟在濠梁期君隱几同幽賞莫道林深石
路長

謝開城沈子順經歷諱寄惠楮紙煮酒

剝啄山扉午夢驚尺書迢遞自松京開函素幅
詩堪寫挈榼芳醺眼便明苔點印蹊無客過樹
陰巖塢有鶯鶯故人高義那能報細酌風軒句
謾成

寄別楸灘吳學士汝益之任安州

端州東閣牡丹紅賓主逢迎跡已空十日嘯歌
千里外兩家憂患一年中相携只待披懷細此
去何言告別念莫把鏡安分遠近世情還與嚮
時同君曾判鏡城余守端川癸卯夏君省親
上京過端留一旬明年甲辰並丁內艱
東林伏枕雨漫天五馬城西敞祖筵以我未酬
烏烏養知君方廢蓼莪篇人云樂處心逾苦事
有難時道獨全歲月幾何身已老夢中芳草遠
清川

送李秀才善卿承陪大令公赴燕都之行

東坡集卷之三十一
四十一
鴨江為帶束男兒左海同歸寸管窺韋布更能
遊帝所晨昏無得慰親思風雲日月開三極
玉帛掃航走四夷壯觀即今難再剋錦囊收拾
待君詩

五月初六日鶴谷見過留宿山齋

柴戶常扃草閣空坐消光景任天工小池荷氣
薰晴日幽谷鶯聲弄晚風身與世忘誰更記境
從心得自堪終憐君賞靜頻相訪雲物平分嘯
詠中

復用前韻答輝世見和

蟬噪詞林掃地空凌雲健筆孰爭工只知屈宋
為先輩却見曹劉在下風軒冕一時都是儻江
河萬古豈能終天公有意今方識故着斯人阿
堵中

五月初九日雨中海峯見訪同宿山齋

滯雨空山卧小軒忽驚佳客遠敲門蓑衣正看
烟嵐濕苔巷都無車馬喧風定曲池涵綠淨鳥
回幽樹趁黃昏共憑烏几沉吟久真景前頭未
易言

平生志業話從容榮辱雖殊去就同烏迹印沙

林逋謚馬蹄穿雪塞庭空名郎本是廟堂器老子亦非田舍翁天意難量時易晚只須相伴賦留窮

順和君挽詞

妙齡眉宇儼天人喜入龍顏眷異倫賜茅要

師賢駙馬

王子初聰慧上嘗以礪誠君宋寅齋宅賜之曰彌城好儒術才行名世

爾慕效之可矣

許婚深托老勳臣

夫君之長孫父誰知王

葉芬芳日便作泉臺寂寞身哀挽東郊雲色慘

北宸新命矧慈仁

王子嘗制職計命印復爵

李監察贊挽詞

君莫恠擁爐猶得一開顏

雪霽長江凍不流知君坐擁木綿裘剡溪千古

留清興附與平原一督郵

潦倒西湖老上舍支離南郭病中樞欲知歲暮

相思意積雪平階酒凸壺

戲荅江西韓會明宰

一封迢遞投千里五色離披捧兩雌不有江西

賢太守歲時誰問病同知

送許文學恒仲父以犒軍御史赴關西

雪塞榆關歲又殫幾時烽火報平安宸情特

軫老防士犒禮仍申侍從官一札思加窮磧外
三軍拜向彩雲端遙知列寨歡聲動唾手爭思
係可汗

送李豐基尚思彥以從事官赴貧畫使李

公時幕下

平生願識貧畫使送子今為從事官西塞軍兵
淹六載東藩禮義自三韓物情已共分臧否戎
政唯應適猛寬歸報主公終戮力 聖心方仔
濟艱難

次大學士枉迺留贈之韻以下 癸亥

附 原韻

李廷龜

偶過詩翁宅仍逢韻士來高簷鳴急雨長日

引深杯樹色濃如滴山嵐撒不開何妨醉露

濕歸騎莫相催林守工於畫
時適來會故云 月沙

白沙尹次野令公雨後見訪

長夏窮簷雨浹旬足音堪喜况心親垂離忽已
經三載朋舊何曾有一人松露滴庭晴靄重竹
風生塢晚涼新淹留不愧無供給閑對棊枰酒
數巡

附 次韻

一見無端已十旬還忘貌敬只心親最憐
骸違今世唯有文章繼古人杜老消中秋更
早岑生雨後語多新君家酒熟吾當去盡日
杯行不問巡

白沙

疊用前韻答白沙尹公

一日思君抵一旬暮年偏覺故情親已知文字
妨時命不嘆顛狂忤世人林屋近山嵐氣濕湖
天過雨月華新詩來正值身多暇從此追尋剩
幾巡

奉次月沙相公韻題天敏師詩卷

夏到今年日倍長渴喉無賴吸寒漿僧來一讀
詩仙句三伏天風坐變涼

題戒安長老詩軸奉次五峯相公韻

得喪榮枯際營營儘鄙夫即知司馬巧不及甯
公愚白髮那禁汝青山未負吾會從禪老隱看
種鳳鸞蒲

次妙熙上人詩軸韻

楓岳名山碧海湄白頭深愧負幽期逢師却問
摩訶路夜靜松堂月上遲

送能修師遊香山次軸中韻

惆悵殘生事浮名便作魔香爐絕頂下空記夢
中過

贈天印上人次軸上韻

綠篠蒼松蔭一軒城南坊僻抵山村小蹊今日
迎僧掃僧去呼僮旋閉門

次韻奉和月沙相公詠天默上人卷首李

進士士浩養源氏畫蘭

貌出秋蘭奕葉光沙彌乞與意殊長真如妙悟
無多話色外芳華臭外香

送松都聖居山僧若虛遊長興天冠山次

軸上韻

天冠高興聖居伴錫杖尋真趁晚秋儻記東齋
翁病卧萬山紅樹一回頭

次若虛師詩卷韻

小院新晴後群生默坐時意中都有物言外本
無詩

滿地松陰靜閑堂日午時睡醒聞啄木僧到覓
新詩

奉謝全羅道崔監司見寄扇子時萬曆丁
未閏夏也

觀察湖南赫赫名開絨颯颯見風生鸞牋掩日
雲裁破鳳節含霜玉削成三伏仍逢六月閏一
涼偏覺萬金輕謝公只試表郎辯豈似窮途遠
寄聲

七月初一日奉邀鶴谷白沙海峯諸君子

同遊臺山別墅

苦熱何堪六月重秋風忽掃火雲峯廣津西曲
江山靜要與騷翁一盪胸

七月初二日復簡諸君子時曉雨大作詰
朝快霽

急雨初晴暑氣收涼風一夜報新秋滄洲幽興
重相引催着吟鞭莫少留

臺山別業書示同遊諸君二首

雨洗高空霽景鮮相邀出郭到湖邊四圍遠出
常生靄一派長河別作川歲月不饒新白髮江
山猶護舊青氈秋深魚鱖尤多興更約携樽上
小舡

共向明時作散仙野亭晴日試開筵平蕪樹斷
雲垂地極浦風生水拍天暝色忽分翹渚鷺秋
聲已入咽林蟬欲將新句摹清景岸草汀烟正

渺綿

次信贊上人詩卷韻師曾住妙香山

香岳仙峯天可摩
梅檀樹下粲靈花
驂鸞何日尋真去
免向人間飯熟沙

李秀才辭妻洪氏挽詞

生唯弱女歿先親
丹旒青春識孺人
泉下亦應難瞋目
路旁誰得不霑巾
通家早作陶公客
擇里仍依孟氏隣
婦德向來知最熟
即看天地信非仁

崔叅奉希齡挽詞

慈親八十身七十
女婚三人男一人
共道善家元有慶
誰知冥路忽無晨
老萊戲彩應遺慟
梁顥窮經却苦貧
早歲登門里中子
江雲回首淚盈巾

盈巾

余平居與公同里開亂後公避地江華因歿于僑寓

奉次長溪黃相國韻贈志温上人

天道從來在不言
冬寒纔謝見春温
這間實理須心會
莫說禪家有法門

送志温上人還天磨山因次軸上韻以贈

昔踏清涼麓仍過寂滅寮
平生丘壑趣留滯聖明朝
懸瀑天河落驚潮
海島搖空齋起避想風

竹夜蕭蕭

次韻題德悟師詩軸

僧來說着寶陀遊興入金沙古寺樓堪笑病翁

身似縛秋風西望一搔頭

師住長洲寶陀落迦山金沙寺

七月十五日戲簡川上尹靜春白沙尹次

野兩令公西巒趙持世鶴谷洪輝世北渚

金冠玉海峯洪樂夫諸君子

新秋涼緊雨全無月色中元看更殊急掃東園

報諸子一年清景未宜孤

送長興府使李兼士源

莫說南州路正長君行須賀不須傷塞門慣作
三年散捧檄方知一日忙畫戟清香動高詠白
魚青筍入新嘗窮居苦被挪揄笑倘許餘波及
北堂

兩宜堂舊墟書示尹靜春尹次野昆季兩

令公趙持世邊明叔應璧金冠玉諸君子

偶向江臯訪古臺長郊極目水縈回漁家籬落

沙邊聚賈客帆檣海上來坐逐樹陰頻改席吟

排詩字故停盃雲奔鳥度無窮意不覺歸途暮

鼓催

罷酒湖亭客欲迴更扶斑杖步荒苔海門落照
紅如染山市輕嵐翠作堆島樹陰濃宿雨濕渚
鷗飛散暝烟開渡頭風急寒潮蒲眼看新詩句
未裁

具監察思舅氏挽詞

人間七十六稀上築楊根境亦奇雲岫曾同
彭澤出烏林翻作鹿門歸蔡郎一女元三女有公
三女兩女先歿鄧雙無兒旋有兒從公無子以歌哭耕埋
諧宿計渭陽情迫自霑衣公之別業在楊根水
餘年居于斯歿于斯因葬于斯故云

哭具秀秀才

少時親友晚誰存執紼秋風又哭君回首王方
讀書地十年前事不堪論

七月十九日除禮曹正郎二十四日詣闕

謝 恩有感而作

清時誰敢哭途窮只是潛郎命未通六載不堪
瞻北闕一官重得入南宮眼中人事都非舊頭
上霜毛已作翁聞說稻香鱸正羨水鄉歸興屬
秋風

奉次許經歷竹村圖詩韻

中樞府經歷許公震嘉靖辛酉榜生負
也年躋八十貧不能退休嘗有先世別
墅在陽川縣南種竹成林故號曰竹村
頗多山野之趣擬為歸老之地壬辰兵
燹里落成墟一旱一木慘然無餘舊業
板蕩收拾無計魚鳥雲烟夢想徒勞追
畫作圖詩以志感一代名卿如聽天沈
相國梧陰尹相國漢陰李相國一松沈
相國月汀尹相國五峯李相國西垞柳
尚書月沙李尚書藥圃李叅議芝峯李

叅議諸公相與攀和哀為一卷一日公
以圖暨詩屬某曰不可無一語辭以拙
不得遂次原韻以蹈續貂之譏云

眼看滄海幾揚塵八十年来吏隱身
已子別區專地勝許丞廉節任家貧
風烟却逐兵戈改粉墨偏承警效親
莫認竹林輸幻境幽情終保一
般真

次梁子漸韻

憐君病卧秋涼起望鄉關路渺茫
蔓草沒畦荒藥圃寒溪落渚露魚梁
閑居本為潘安拙慟

東岳集卷之三十一
五十一

哭終非阮籍狂見說夜窓歸夢斷月高梧影滿
書床

東岳先生集卷之二十二拾遺錄上終

